

TE HHHURAA API

I neia i te piha neneiraa na te Ekalesia a Iesu Mesia i te Feia
Mo'a i te Mau Mahana Hopea Nei i Papeete, Tahiti,
i te mau fenua Sotaiete, i te mau avae atoa.
Te hoo e piti farane i te matabiti hoê.

Nu. 7.

Tiurai 1931.

Mat. 25.

Ua Faatupu Birikama Ioune i to Iosepha Semita Tohuraa

O teie ia te pae o te hoê mau haapiiraa i faaineinehia e te
Epitetopo Rahi no te mau Diakono; Ua faaauhia ei reô Tahiti e Etua.

(E tuatiraa teie nei parau.)

TE FAARUERAA I NAVU NO TE PORO- HAERERAA I TE EVANELIA I BARATANE

I muri a'e i te taeraa o te Feia Mo'a i Navu, Illinoi, e ra-
ve rahi o ratou tei pohe i te ma'i ra. O te mau hamani-ino-
raa e to ratou faaearaa ino ia te tumu no te reira. Noa'tu i
te reira, ua faaue te Fatu i te tino ahuru ma piti ia haere e
poro haere i te Evanelia i te mau motu o te moana. Ua mai-
hia o Birigama i te taime i faarue ai oia i Navu, i te 14 no
Setepa, 1839, aore e tia ia'na ia haere e vahi iti ia tae atu i te
anavai Misisipi, maori ra i tanturuhia oia. I to'na taeraa
i tera pae o te anavai, ua haere raua o Iseraela Barlow i nia
iho i te puaahorofenua e tae atu i te fare o Hebera Kimebe-
ra, e ua faaea oia i reira e tae noa'tu i te 18. Ua vaiiho oia
i ta'na vahine e te hoê aiu e hoê ahuru to'na mahana, e ua
pohe atoa to'na ra mau tamarii i te mai, aore i tia ia ratou

ia tauturu te tahi i te tahi.

Ua reva'tura Birigama raua o Hebera i te 18 no Setepa, ua pohe to raua na utuafare i te mai i te reira taime. Ua afai hia Birigama i nia iho i te roi i roto i te pereoo puaahorofenua aore i tia ia'na ia parahi i raro no to'na mai ia.

I te hoé po i te vahi ta raua i tapae ua pohe Hebera i te mai rahi. Te parahi ra te hoé taote i reira, ua taero ra i te ava. Ua faarahi oia i te raau i to'na faainuraa ia Hebera. No te puai o taua raau ra, aita i maoro ua faaafaro i ca o Hebera ia'na i roto i to'na parahiraa mai te parauraa e, e mea huru e roa oia. Ua fatata oia i te taoto i raro e ua mairi oia i raro i nia iho i te tahua.

Ua oua Birigama ia tauturu ia'na, ua huri oia ia'na i nia iho i to'na tua e ua tuu hia te turua i raro a'e i to'na upoo. E i reira ua ui o Birigama i te taote, eaha ta'na i faainu ia Hebera. Aita i maoro ua ara Hebera, e ua na ô mai oia i roto i te reo maru; "Eiaha e matau eita vau e pohe". Ua utuutu maitai ratou ia'na e ao noa'tu te po. I te poi poi a'era e mea huru maitai rii oia, aita ra i tia ia'na ia paraparau maitai.

I to raua tereraa na nia iho i te pereoo, ua ite raua i te moni e navai no ta raua mau tarahu. I te hoé vahi ua ite Birigama i te moni e navai no ta raua tarahu e tae atu i Woroakesera. I to raua tae raa i reira ua rave oia i ta'na pute moni no te aufau raa i ta raua tarahu e i te reira taime ite atura oia e, e navai ta raua moni no te haere roa'tu i Ceverana (Cleveland). I te haamataraa o to raua tere e hoé ahuru ma toru tara e te afa ta raua. I to raua taeraa i Keterani e 87 tara ta raua tarahu no te haereraa na nia i te pereoo puaahorofenua e maha hanere maille e ua pee te reira ia raua.

Ua tere raua na te mau Roto Rahi; e a tere ai raua ua tupu te matai rahi. Ua tupu te varua i roto ia Birigama ia

pure i te Atua, na roto i te ióa o Iesu Mesia, ia faaorēhia to'na mau hape. I reira ua faaue oia i te mataí ia pohe ia tere atu ratou ma te peapea ore; ua mania ihora te mataí e ua arue oia i te Fatu no to'na mana.

I te hoé ahiabi ua tae raua i te hoé oire naíuaí. e Amaa no te Ekalesia to te reira vahi. Ua ite raua e, e peapéa rahi to te mau melo, no te mea e, ua roaa ia ratou te parauraa i te reó êê, e te iritiraa i te reira, no to ratou mana ore aita i taa ia ratou teie mau mea, e ua manaó ratoue, te n'au mea atoa i parauhia i roto i te reó êê e heheuraa ia no ô mai i te Atua ra. No reira ua tae te varua ino i rotopuia ratou, e ua amaha ratou i roto i to ratou mau manaó. Ua haapii Birigama ia ratou e, ia parau ratou i roto i te reó êê, no ô mai ia i te Fatu ra, e parau ratou i te mau mea no roto mai i to ratou aau, te maitai e aore ra te ino. Ua horoahia mai, te parauraa i te reó êê, ei haamaitairaa; eiaha ei ravea no te fariiraa i te heheuraa.

I to raua faaeuraa i reira ua haapii Birikama i te Evanelia, e ua faaite atura oia ia ratou e, ua haapii oia i te mau haapaoraa atoa e aore oia i ite i te parau mau e tae noa'tu i to'na haapiiraa i te Evanelia a Iesu Mesia, e i reira oia i ite ai e, tei nia aé te reira i te mau mea atoa ta'na i ite, e aore i roaa ia'na te íraa i te reira, to'na hinaaro ra ia faarali oia i to'na iho aau ia aratai i te taata i te parau mau, ia rahi te maramarama e te maitai e tae noa'tu i te basileia Tiretiera.

Reva atura ratou na nia i te pahi, mai Niu Yoka ratou i te haereraa e tae atu i Livepara na ratou iho â ta ratou maa e ua aufau atoa ratou e hoé tara i te mahana na te tutu no te tunuraa i ta ratou maa. Na te Feia Moá i Niu Yoka i hoo i ta ratou maa, e ua hamani te mau tuahine i te turua e te mau maru na ratou. E ono avaé to Birikama haereraa, mai Illinoi e tae noa'tu i Niu Yoka, e e hoé avaé oia i te faaineineraa no to'na tere, e hoé avaé te maoro o to ratou tere, e no reira e vau avaé tei pau ia ratou i te haereraa i Baratane.

TE FAAHOIRAA MAI O TE EVANELIA I TOHUHIA RA

Mai te au i ta te mau peropheta tahito i ite i te hoé tai-
varaa, ua ite-atoa-hia e ua tohuhia te faahoíraa mai o te
Evanelia. Ua faaitehia ia Ieremia e te Fatu i te huru iho â o
teie nei ao i te faahoíraa mai o te Evanelia. E fafau te Fa-
tu o te Atua i te faufaa apî i to'na ra mau taata. E tuu te
Fatu i te ture "I roto ia ratou." E ore ratou "e haapii faa-
hou, o te taata i to'na iho taata tupu, o te taata i to'na iho
taeae, i te na ôraa'tu e, Ia ite hoi outou ia Iehova; e ite
paatoa hoi ratou ia'u, o tei haehaa e tei rahi." E mea atea
roa'tu te ao nei i te huru i faaitehia i roto i teie nei parau.
Aore te faufaa i fafauhia i fariihia e te taata atoa nei. Te
vai ra te taime e ore te hoé haapaoraa e faahapa i te tahi, e
parau râ ratou, "Ia ite i te Fatu." Ua tae ra te tau e tuu-
hia mai te faufaa apî, ua tuuhia mai hoi.

I te hoé pô ua ite te arii ra o Nebukanesa i te hoé taoto
maere rahi. Ua tia mai i mua ia'na te hoé tii rahi anaana e te
riáriá hoi ia hió. E auro hoi te upoo, e ario te ouma e na ri-
ma; e te opu e te humaha, e veo ia; e auri hoi na avae, e te
tapuâe ra e auri te tahi pae e e araea hoi te tahi pae. Te hió
noa ra oia i taua tii ra, e ua ootihia te hoé ofai, aita ra e rima,
e ua tiaia'tura i te avae o taua tii ra, e parari roa'tura. Te a-
raea e te auri e te veo e te ario e te auro ua riro atura ia mai
te ota i te vahi papairaa auhune ra; e ua puehu atura i te
mataí; te ofai naínaí ra, ua riro ia ei mouá rahi e ua i te ao
taatoa nei ia'na.

Ua horoahia'tu i te peropheta ra o Daniela te faaauraa i
teie taoto na Nebukanesa. Ua na ô maira oia e, te auro e te
ario e te veo e te auri e na basileia rarahi e maha atoa o te

tupu
sileia
leia
E e t
ia, e
ha, c
na te
te ma
nei e
te ho
i te t
hoi t
ra, e
ore r
ua m
noa't

a Ies
basile
ma, e
rira
te an
au i t
nei a
sileia
faaho

-88 T
pâpû
ra te
To'na
e au

tupu mai. E te matamua, te upoo auro, o to Nebukanesa basileia i Babulonia. E i muri mai e tupu mai te tahi; te basileia no te Media e te Peresia, o tei au i te ouma e na rima ario. E e tupu faahou â e piti, te basileia no Alexaneder o te veo ia, e tei ia'na te parau i te ao atoa nei i te reira tau. Te maha, o te hau Roma ia, e basileia etaeta roa e au i te auri, e na te reira i haaparari e e haaparuparu i te mau mea atoa. I te mairiraa o teie nei na basileia e maha, e amaha te ao atoa nei e e tupu mai te mau basileia e rave rahi, e mea etaeta te hoé pae e e mea paruparu te tahe pae, mai te au ta'na i te i te tapuae e te mau manimani, e auri te tahi pae e e araea hoi te tahi pae. "E i reira ia tae i te anotau o taua mau arii ra, e riro ai te Atua o te raí i te faatupu i te hoé basileia, o te ore roa ia e mou, e ore roa ia e riro ia vetahi ê, e hope roa taua mau basileia i te parari e te pau, e vai noa tera e a muri noa'tu.

O te ofai tei ootihia, aita e rima, e au ia i te Ekalesia a Iesu Mesia, o te basileia ia o te Atua. I te tau no te mau basileia tei tupu mai na muri aé i te mairiraa o te hau Roma, e tae mai taua ofai ra. I te hoé tau i muri aé i te mairiraa o te hau Roma e faatiahia te basileia no te Atua. E o te anotau i parauhia nei o teie iho â nei anotau ia. Mai te au i te taoto no Nebukanesa e te faaauraa a Daniela, i teie nei anotau ia tatou nei e faatia te Atua o te raí i to'na basileia i rotopu i te taata nei. E tohu maramarama teie no te faahoíraa mai o te Ekalesia a te Atua.

Tei roto i te buka a Malaki te hoé mau irava o tei haapâpû mai ia tatou i te tau no te faahoíraa. Te na ô mai-ra te Fatu, e tono Oia te hoé vea, hou To'na haereraa mai i To'na hiero. E i reira o te parau tia anaé te tia, no te mea e au Oia i te auahi a te tamâ moni ra; e mai te puá te ta-

mâ ahu ra. E teie faahou â, hou taua mahana rahi e te ri'ari'a ra a te Fatu, i te mahana e amai ratou, o tei teoteo e o tei rave i te mea ino, mai i te aihere ra, e tono mai te Fatu ia Ehiha, "o te faafariu i te aau o te mau metua i te tamarii e i te aau o te tamarii i to ratou mau metua", ia ore te fenua nei e tairihia i te ino. E na tohuraa maramarama teie no te faaho'iraa mai o te Evanelia, e te faatiaraa i te hoé mau mea tei faatupuhia ra. E mea pâpû hoi, no te mea aore a'enei i na reirahia, e faatihia te fare o Iehova i nia i te tupuai mou'a, e e tairuru mai te mau nunaa atoa i reira ia haapii i te e'a o te Fatu ra.

I teie nei, e manaóhia e, ua faatupuhia teie nei mau mea i te tau no to tatou Fatu o Iesu. Area râ eita e mau te teira huru manaó. Aore taua mau mea nei i itehia i te tau no Iesu. E ere atoa te reira te mahana rahi e te ri'ari'a o te Fatu, i te tau e ama'i te teoteo e te rave i te mea ino mai te aihere. E aita'toa te Fatu i tae vave i To'na hiero, e aita atoa Oia i parahi mai, mai te auahi a te tamâ moni ra. E i te tau no Iesu te vai ra hoi te hau Roma i roto i to'na hanahana. Aita e â hoi te tapuae e te manimani avae no te tii i itehia e Nebukanesa i tupu mai. Aita â i tae i te taima e ootihia'i te ofai na roto mai i te mouá ra. E teie atoa, ua na ô mai Daniela, teie basileia ta'na i ite, no te Mesia i te faatihia, e e ore ia e mou e e ore hoi e riro ia vetahi ê ra. O Iesu iho â tei parau atu i te mau taata no To'na tau, no to ratou faaroo ore, "E hopoi-ê-hia'tu te basileia o te Atua ia outou, e e tuuhia'tu i te nunaa e faahotu mai i te huero ra." E no reira, ahiri te basileia i faaauhia i te ofai i faatihia i te tau no Iesu, ua riro ia Daniela e aore ra o Iesu ei peropheta haavare. Aita râ; e nau tata moá raua na te Atua, e e Atua iho â te hoé o raua, e no reira, aore ta Daniela tohu i faatupuhia i te tau no Iesu

E hiopoa i te parau i papaihia i te mau vahi atoa, e e hoé aé auraa. Ua faatia Iesu i ta'na Ekalesia i nia iho i te fenua nei, e ere râ i te faatiaraa o te ore e faahuru-é-hia, e o te ore hoi e horoahia ia vetahi ê ra. I roto i ta te Atua faatereraraa, te vai ra te tau e faatihia'i Ta'na basileia no te taima hopea, e e riro te rê i te parau tia i nia iho i te hara, e i reira te Atua hanahana e tae mai ai ei Arii no te mau arii i To'na iho feia.

Ua itehia e te pipi here na Iesu e, e faahoîhia mai te Evanelia. Te faaea ra Ioane i nia iho i te motu Patamo. E taima maoro te reira i muri i te faasatauroraahia o te Fatu. Ua haamata hoi te taivaraa i te reira taima. I roto i te hoé orama riáriá ua faaitohia ia Ioane e hamani-inohia te Ekalesia e ta'na mau Enemi, e i te hopea, e mau atu i te medebara e e ore e ite-faahou-hia e te taata e ia maoro te tau. E oti roa aéra te taivaraa, e te ao atoa nei i te faaineinehia, i reira e faahoîhia mai te Evanelia. E ono melahi ta Ioane i ite, ma to'na iho ohipa ia rave. E i reira ua fâ mai te hitu. O teie ia ta Ioane i papai: "Hió atura vau i te hoé melahi i te maueraa na rotapu i te reva nei, ma te Evanelia i te tia i te vairaa ra ei pororaa'tu i te feia e parahi i te ao nei ra, i te mau fenua atoa, e i te mau opu atoa, e te mau reó atoa, e te mau nunaa atoa, i te piihua-raa te reó e, e faahanahana'tu ia'na; ua tae hoi te hora faautuaraa na'na ra; e haamori outou ia'na, i tei hamani i te raí, e te fenua, e te tai, e te mau pape pihaa ra."

Ahiri aita e taivaraa, e aita hoi e tumu no te maueraa mai o te tahi melahi na ropu i te reva ia faahoî mai i te Evanelia i te mau fenua atoa, e te mau opu atoa, e te mau reó atoa, e te mau nunaa atoa i te ao nei. Ua itehia teie nei orama i to Ioane faaearaa i Patamo, no reira aore e ravea ia faatupuhia teie nei mau mea i te tau no te Faaora. E tau ê to'na. E tau i muri mai to Ioane iho. Te tautu-

ru nei teie i te tohuraa na Daniela, e faatiahia te basileia no te Atua i te hoé tau i muri aé i te mairiraa o te hau Roma. E te faaite mai nei te reira i te huru no te faahoíraa mai: e maue mai te hoé melahi, ma te Evanelia e tia i te vairaa ia poro haere atu i te mau taata'toa i te fenua nei. I te faaotiraa nei, mai te au i ta te mau peropheta, ia itehia i roto i teie faahoíraa, e faahoíhia mai te mau ohipa atoa, e te mau mea'toa, Ua tohu maira Petero, i roto i ta'na aoraa i nia i te poretiko no Solomona; "E tae noa'tu i te tau e tia'i i te mau mea atoa nei, ta te Atua i parau mai i te vaha o te mau peropheta moá atoa No'na mai te matamua mai â o teie nei ao ra." Ua ite Petero te vai ra te tau faahoíraa hou te hopea o teie nei ao, hou nei hoi i te haere-piti-raa mai o te Mesia. Hoé â paha teie i ta Iesu i manaó, i parau mai ai Oia e, "E parau-haere-hia te Evanelia o te basileia nei e ati noa'e teie nei ao, ia ite te mau fenua atoa, o te hopea ihora i reira ra."

E tufaa te faahoíraa no te opuaraa rahi e oia atoa te taivaraa. Na muri iho â te faahoíraa i te taivaraa. Eiaha te taivaraa anaé, e faahoíraa mai atoa, tei ite-pâpû-hia e tei faaite-pâpû-hia e te mau peropheta tahito. Te tau no te faahoíraa mai o te Evanelia, o te tau ia no te mau arii i muri aé i te maha o te mau basileia rarahi o te ao nei, e te reira tau, o teie iho â tau ia. E aita'toa te faahoíraa mai e tupu na roto i te ravea taata nei, e riro râ mai te hoé ofai i ootihia na roto mai i te mouá, aore e rima, na roto râ i te ohipa a te mau melahi ra.

*Papaihia e te Aposetoro, Widstoe
Faaauhia ei reo Tahiti e Etua*

TE FARE O TE ATUA

“Te na ô maira Iehova, te mau raí tau terono, e te fenua nei tau taahiraa avae; teihea tena fare ta outou e faatia na no’u? e teihea taua faaeearaa no’u ra?” - Isaia 66:1

E homa e, teie ia te uiraa tei tuuhia i mua ia tatou atoa i te ao nei i teie mau mahana. “Teihea tena fare ta outou e faatia no’u? e teihea taua faaeearaa no’u ra?” Te vai nei anei taua fare ra, e taua faaeearaa no te Atua?

“Te ere ra râ te hoé o outou i te ite, e ani oia i te Atua ra, o tei horoa hua mai i te maitai i te taata’toa ra, ma te patoi ore; e e horoahia mai ta’na. E ani râ oia ma te faaroo eiaha e feaa.”

E homa e, teie te fare e te faaeearaa’toa hoi o te Atua i te ao nei, oia hoi To’na mau hiero i hamanihia e ta’na mau tavini i te ao nei mai to te Atua iho faaueraa ia ratou ra.

Ua na ô maira te Buka Fafau i te pene 124:39. “Ua faauehia te mau tavini e te Atua ia hamani ratou i te mau hiero No’na i te mau anotau atoa.” E ua ite pâpû roa tatou e parau mau ia, no te mea e, ia hió tatou i roto i te mau Buka Evanelia e ite tatou i te mau parau a te mau peropheta a te Atua, e te paturaa a to’na mau hiero.

A hió i te bibilia; Exodo 25: 2, 40 e i te Buka Fafau 124: 38 e e ite tatou e, ua faauehia Mose e te Atua ia hamani oia i te hiero no’na ra. Ua hamani atoa Solomona i te hiero no te Atua ra. A hió i te mau arii hoé, 6:1,9. E a taió atoa tatou i te Buka a Moromona, i te II Nephi 5:16, na Nephi atoa ra i hamani te hiero no te Atua ra.

Nafea e faaîhia'i taua parau ra, maori râ na roto i te itoitōraa e te haapaōraa a to'na mau tavini i te ao nei. Tera ia te parau, e tia anei i to'na mau tavini ia parahi noa, ia ore Ta'na parau i tupu ra? Aita roa ia.

Te vai nei To'na mau hiero i hamanihia e to'na mau tavini mau, e te vai atoa ra te tau e patuhia'i te tahi mau hiero No'na ra e ta'na mau tavini nei. Teihea ra taua feia patu hiero ra. Na ô maira te tahi mau haapaōraa eê; Aita te Atua e farii i te hiero e te mau ohipa i ravehia i roto i te hiero i teie nei anotau. Te rave nei ratou i teie irava i roto i te ohipa 7:48, ei haapâpûraa no ta ratou haapiîraa; "E ere râ te teitei e parahi i te hiero i hamanihia e te rima, ta te peropheta i parau maira e." Aita râ te Atua e farii i te hiero i hamanihia e te rima o te taata mana ore, e aita roa hoi to te taata e mana ia hamani i te hiero a te Atua, maori râ na te Atua iho i horoa mai ia'na taua mana ra. Te vai nei te Ekalesia i haamanahia e te Atua ra. E aita atoa hoi e faufaa i te taata mana ore ia hamani i te hiero no te mea aita roa oia i ite i te ohipa hiero te ravehia i roto ra, e aita atoa ta ratou e ravea ia haapao i taua ohipa ra. Aita atoa ratou i ite i te auraa o te hoê ohipa rahi i ravehia i roto i te hiero, oia hoi te baptizōraa no te feia i pohe. A hio i te I Korinetia 15:29. Oia ia ta tatou ravea ia faaî i te toburaa a Malaki a parau mai ai oia e, "Inaha e tono na vau i te peropheta ra ia Eliaha ia outou na, a tae atu ai taua mahana rahi mataû o Iehova ra; Ia faafariu oia i te aau o te mau metua i te tamarii, e te aau o te tamarii i to ratou metua, o te haere mai hoi au, e o te tairi i te fenua nei i te ino." Malaki 4:5,,.

Teie hoi te tahi ohipa, te ore hoi e oti ia ravhia i rapae au i te hiero o te Atua. Te vai atura te faaipoipōraa no te ora mure ore, oia hoi te tahoēraa e te tameraa i te utuafare i te Basileia o te Atua. Te vai atura hoi te tahi ohipa ra.

No reira, eiaha tatou e parahi noa ma te feruri-ore-raa, a imi râ tatou i te Ekalesia te haapao nei i te mau faaueraa a te Atua ra. Oia hoi te Ekalesia mau a te Atua ra. E o taua

Ekale
Maha

I
tu oia
hoá i
ua ite
nei e
oia ia
ra ua
e na r
te fen
o taua
oia i

I
ua pa
pii i t
A pa
mai t
taua
poi-ro
i taua
pae n
heru
hiona
reira
no te

Ekalesia, o te Ekalesia ia a Iesu Mesia i te Feia Moá i te man Mahana Hopea nei.

Papai hia e Amona Tela

Te Mau Parau Apî

E VAHINE ORI MAU HOI

I roto i to'na fare ua mataitai Florenz Ziegfield, te fa-tu oia no te mau fare teata e rave rahi i Marite, i te hoé ho-hoá i tavirihia i teie paeau moana. I roto i te reira hohoa ua ite oia i te hoé potii tei ori i te ori mau o teie mau motu nei e ua mauuru roa o Ziegfield i te reira e hinaaro ihora oia ia roaa mai taua potii no to'na mau fare teata. No rei-ra ua papai oia ite rata i te hoé papaa tei parahi i Papeete e na roto ia'na ua anihia taua potii ra ia haere i Niu Yoka i te fenua Amerika. O Reri, oia hoi o Anna Chevalier, te ióa o taua potii ra e o Tahiti ia to'na fenua aiá. Tei Marite hoi oia i teie nei.

TANU HIA HOI E PITI AVAE

I roto i te fenua toetoe i Greenland i te pae apatoerau ua parahi te hoé taata paari, oia hoi e taata Baratane tei haapii i te huru o te raí i reira, o Augustin Gourtauld to'na ióa. A parahi ai oia i reira ua tupu te hoé vero rahi, ua mairi puai mai te hiona e ua tupu te mataí i te puai raa. Ua haere noa taua vero ra no na mahana e rave rahi e i te hopea, ua ta-poi-roa-hia to'na fare naínaí, e ua tanuhia hoi oia i raro aé i taua hiona rahi ra. Aita roa e ravea no'na ia haere i rapae no te mea ua manaó oia e, mai te mea e tamata oia i te heru i to'na haereraa i rapae e topa mai te taatoaraa o te hiona e te pape paari hoi i nia iho ia'na ra e e haapohe te reira ia'na, e aita hoi ta'na e ope ia rave i te ohipa heruraa no te mea ua vai'iho oia i te reira i rapae e a tupu mai ai te ve-

ro ra. Te vai ra te hoé apoo, oia hoi te apoo o te haapupura auauahi o to'na fare tei tae i rapae au e na roto i te reira ua roaa ia'na te matai ia ora oia, e e maa punu hoi ta'na maa. E piti avae oia i te vai tanuraa i taua vahi ra e tae noa'tu i te taime ua tae mai te hoé pupu taata i te imiraa ia'na. Ua itehia to'na vahi faaeearaa no te haapupuraa auauahi tei tapao i te reira vahi e ua heru taua pupu taata ra i raro e ua faaora ratou ia'na ra. E mea maitai roa oia i teie nei.

UA FAUFAA ORE TO'NA TAMATARAA

I te oire Tours, i Farani, te ori haere ra te hoé faéhau Marite, e raatira hoi oia i roto i te pupu Marine, o R. H. Dunlap to'na ioá. Te mataitai ra hoi oia i te hoé pare ofai tahito roa ra, e i mua rii ia'na te haere ra te tahi vahine. A tae atu ai taua vahine i raro mau iho i taua pare tahito ra, haamata ihora te tahi mau ofai i te topa i nia iho ia'na. Ite aéra Dunlap i te reira horo hua'tura oia i taua vahine ra ma te manaó e, e faaora oia ia, na i taua mau ofai tei topa ra. A tae atu ai oia i pihai'iho i taua vahine ra, ua topa mai te taatoaraa o taua pare ofai rahi ra i nia iho ia raua toopiti, e ua tapoi-roa-hia raua i te mau ofafai rarahi e pohe roa'tura raua toopiti ra.

UA POHE ROA OROTONA F. WHITNEY

I Roto Miti, Utaha, i te 16 no Me ua pohe roa te Apotetoro, o Orotona F. Whitney i te hoé maí ra. E 76 to'na matahiti, e e taata herehia oia e to te Ekalesia atoa. E rave rahi te mau tauatini o te taata tei haere i to'na pureraa e ua faatiahia te reira i roto i te Fare Menemene rahi i Roto Miti.

M. Bonnet M. Gérant et Imprimeur,

Angle des rues Bréa et Dumont d'Urville, Orovini, Papeete.

Epitet

raua
i Cara
haere
raua
rahi o
turu
atu oi
hoi m
niuni
raa'tu

huru
Atete
mau t
haapa